

Broj: 097/23

Datum: 28.03.2023. g.

JAVNI POZIV

ZAINTERESOVANIM PRAVNIM LICIMA/DONATORIMA ZA IMPLEMENTACIJU RADOVA NA URGENTNOJ SANACIJI, KONSOLIDACIJI, KONZERVACIJI I RESTAURACIJI ZIDINA HASANPAŠIĆA KULE

I OPĆE INFORMACIJE

Upravni odbor JU Zavičajni muzej Travnik je na sjednici održanoj 30.01.2023. godine na osnovu nadležnosti iz člana 27. Uredbe sa zakonskom snagom o ustanovama („Službeni list R BiH br. 6/92, 8/93, 13/94), člana 21., 31. i 36. Pravila JU Zavičajni muzej Travnik i Odluke Općinskog vijeća Travnik o prenosu kulturno-historijskog spomenika „Hasanpašića kula“ u Travniku na čuvanje, održavanje i korištenje JU Zavičajni muzej Travnik (Službene novine Općine Travnik broj 21/22) donio Odluku o raspisivanju javnog poziva zainteresovanim pravnim licima/donatorima za implementaciju radova na urgentnoj sanaciji, konsolidaciji, konzervaciji i restauraciji zidina Hasanpašića kule.

II PREDMET POZIVA

Odlukom Općinskog vijeća Travnik o prenosu kulturno-historijskog spomenika “Hasanpašića kula” u Travniku (Službene novine Općine Travnik broj 21/22) Javnoj ustanovi “Zavičajni muzej” Travnik je povjereno na čuvanje, zaštitu, održavanje i korištenje kulturno-historijski spomenik “Hasanpašića kula” u Travniku, koja se nalazi na istočnom ulazu u Travnik, neposredno uz magistralni put M5 na parceli označenoj kao k.p. broj 1126, tvrđava u površini od 399 m² upisano u p.l. broj 1670 k.o. Travnik, što je identično sa k.č. br. 7/183 zv. Tvrđava Bunar iste površine upisano u Zk. ul. br. 1555 k.o. SP Travnik.

Poslovi čuvanja, zaštite, održavanja i korištenja “Hasanpašića kule” u Travniku obuhvataju organizaciju pravilnog čuvanja i održavanja, vršenje stručnog nadzora nad objektom, predlaganje i preduzimanje mjera zaštite, rad na konzervaciji, restauraciji, rekonstrukcij i sanaciji uz vršenje stručnog nadzora nad izvođenjem radova, obezbjeđenje uslova za korištenje “Hasanpašića kula” u Travniku kao kulturno-historijskog objekta i vršenje i drugih stručnih poslova u skladu sa propisima koji regulišu materiju zaštite i korištenja kulturno-historijskih spomenika.

U cilju realizacije povjerenih poslova i obezbjeđenja sredstava za prvu fazu radova na urgentnoj sanaciji, konsolidaciji, konzervaciji i restauraciji graditeljske cjeline „Hasanpašića kule“ upućuje se javni poziv zainteresovanim pravnim licima/donatorima za implementaciju radova na arheološkom istraživanju, konsolidaciji, sanaciji i konzervaciji zidina „Hasanpašića kule“ i sanaciji prilaznog puta i klizišta u procijenjenoj vrijednosti od 100.000,00 KM (bez PDV-a) a prema prethodno pripremljenom projektnom zadatku JU Zavičajnog muzeja Travnik, Uvidu u stanje Hasanpašića kule br. 07-36-4-2258-1/22 od 19.05.2022. godine izrađenog od Federalnog ministarstva kulture i sporta – Zavod za zaštitu spomenika, uz nadzor JU Zavičajni muzej Travnik i Općine Travnik i evaluaciji radova koje je potrebno izvesti na objektu.

III CILJ I SVRHA POZIVA

Cilj projekta i implementacije radova je zaustavljanje daljnje degradacije fizičke strukture objekta, sanacija oštećenja na pripadajućem zemljištu sa evidentiranim klizištem, substrukciji i nadzemnim dijelovima objekta, njegova konzervacija i restauracija, te stvaranje uvjeta za bezbjedno korištenje objekta u budućnosti, kao i unapređenje bezbjednosti po neposrednu okolinu.

Svrha radova je otklanjanje postojećih oštećenja na okolnom klizištu, deformacijama i oštećenjima temeljnog tla i temelja objekta, sanaciji podziđa pristupnih staza, pukotina u zidanim strukturama, zida iznad

ulazne kapije, sanacija prozorskih otvora na sjevernom zidu, pažljivo prezidavanje dijelova zidova s pokrenutim blokovima kamena, izrada zaštitnih kapa na kruništima postojećih zidova radi zaštite zidova od prodora i negativnog uticaja atmosferilija, kao i drugi radovi neophodnim za stabilizaciju Hasanpašića kule, predviđeni projektnom dokumentacijom.

IV POSTUPAK PRIJAVE

Pravo učešća u postupku imaju sva zainteresovana pravna lica koja se bave organizovanjem kulturnih, pozorišnih, koncertnih i izdavačkih aktivnosti i drugih manifestacija u cilju očuvanja kulturne baštine.

Prijava sa naznakom **“Za Javni poziv zainteresovanim pravnim licima/donatorima za implementaciju radova na urgentnoj sanaciji, konsolidaciji, konzervaciji i restauraciji zidina Hasanpašića kule”** mora sadržavati sljedeće: naziv i sjedište pravnog lica, ID broj, kontakt telefon i e mail i potpis i pečat odgovornog lica.

Uz prijavu je potrebno je priložiti sljedeću dokumentaciju:

- Kopija Uvjerenja o poreznoj registraciji
- Ovjerenu izjavu o preuzimanje obaveze implementacije radova prema projektnom zadatku uz nadzor JU Zavičajni muzej Travnik i Općine Travnik,
- Lista uspješnih organizacija najmanje 5 (pet) kulturnih manifestacija kao što su izložbe, koncerti, promocije, konferencije i druge društveno korisne manifestacije u cilju očuvanja kulturne baštine.

V UGOVOR

Sa pravnim licem koje bude izabrano do strane stručne komisije zaključit će se notarski tripartitni Ugovor kojim će biti utvrđena prava i obaveze sa Općinom Travnik kao vlasnikom predmetnog zemljišta i izgrađenih objekata i JU Zavičajni muzej kao upravitelja uz saglasnost Općinskog pravobranilaštva Travnik.

Potpisivanjem notarski obrađenog ugovora donator/korisnik prihvata da je graditeljska cjelina „Hasanpašića kula“, vlasništvo i posjed Općine Travnik, a da je JU Zavičajni muzej Travnik upravitelj graditeljske cjeline.

Sredstva koja donator/korisnik uloži prilikom implementacije radova su bespovratna i donator/korisnik ista neće potraživati niti od Općine Travnik niti od JU Zavičajni muzej Travnik ni po kojem osnovu.

Pismene prijave sa navedenom dokumentacijom se podnose u roku od 15 dana od objavljivanja na oglasnoj ploči JU Zavičajni muzej Travnik i Općine Travnik, u lokalnim medijima i službenoj web stranici JU Zavičajni Muzej Travnik i Općine Travnik, putem pošte na adresu:

**JU Zavičajni Muzej Travnik
Mehmed-paše Kukavice br. 1
72270 Travnik**

ili direktno predajom na protokol JU Zavičajni Muzej Travnik u zatvorenoj koverti sa naznakom “Javni poziv zainteresovanim pravnim licima/donatorima za implementaciju radova na urgentnoj sanaciji, konsolidaciji, konzervaciji i restauraciji zidina Hasanpašića kule “– Ne otvaraj!

Prijave dostaviti najkasnije do 12.04.2023. godine do 10:00 sati.

Dodatne informacije u vezi ovog konkursa mogu se dobiti na telefon br.: 030/518-140



Direktorica:
Fatima Maslić, dipl.ist.umjet.